

杜本傳

杜本字伯原其先居京兆後徙天台又徙臨江之
清江今為清江人本博學善屬文江浙行省丞相
忽刺木得其所上棊荒策大奇之及入為御史大
夫力薦于武宗嘗被召至京師未幾歸隱武夷山
中文宗在江南時聞其名及即位以幣徵之不起
至正三年右丞相脫脫以隱士薦詔遣使賜以金
織文幣上尊酒名為翰林待制奉議大夫兼國史

院編脩官使者致君相意趣之行至杭州稱疾固
辭而致書於丞相曰以萬事合爲一理以萬民合
爲一心以千載合爲一日以四海合爲一家則可
言制禮作樂而躋五帝三王之盛矣遂不行本湛
靜寡欲無疾言遽色與人交尤篤於義有貧無以
養親無貲以爲學者皆濟之平居書冊未嘗釋手
天文地理律曆度數靡不通究尤工於篆隸所著
有四經表義六書通編十原等書學者稱爲清碧

先生至正十年卒年七十有五

谷昔姓氏

卷上

遼東王澮玄佐六首

洛陽程自修忘吾七首

瑯琊冉琇温季六首

河東元吉文中五首

曲阜孟鯁介甫四首

廣漢安如山汝止二首



成都王翦一飛五首

襄陽師嚴道立六首

廣陵張琰汝玉五首

漢陽汪涯萬頃四首

卷下

建安容本道生三首

四明皇甫明子東生三首

長沙丁開復見四首

括蒼鮑輓以行七首

京口崔璆子玉三首

姑熟魚潛德昭五首

瑞陽柯芝士先三首

柯茂謙退子二首

廣陵邵定中立二首

豫章熊與蘇天樂二首

宜春晏又明粲二首

大庾孫璉器之二首

臨江楊應登幼平二首

楊雯天章五首

盱江曾童子澈一首

番陽布衣一首

瀟湘漁父一首

古碑文一首

閩清野人一首

羅浮狂客一首

谷音姓氏

谷音目錄 卷上

王澮 六首

河之坊

感遇

贈段十

程自修 七首

歸龍門

出城

獨坐

痛笑

詩目卷上

及古

歲云莫矣

送元吉歸河東

王猛墓

冉琇 六首

蓬萊閣

遙臺

海州

宿京口

秦吉了

獨立

元吉 五首

上黨

自葫蘆河至居庸關

陪翟三游平州東城

早發博州

夜坐

孟鯁 四首

徐州

南京

猛虎

折花怨

安如山 二首

曹將軍

下瞿塘

王翥 五首

送張判官歸巴州 灌口秋漲

吳宣撫故宅 憶舍弟

浮世

師嚴 六首

渡江 大閱

蘭五見訪 庚午三月五日朱尚

書席上醉歌 武陵客居

公安早發

張琰 五首

出塞曲

又

官柳

汪涯 四首

江帆

采石獨酌 江行

谷音目錄 卷上

谷音卷上

清江杜本伯原父輯



遼東王澮玄佐 六首

澮博學醇行博州刺史迎為師教授弟子
百餘貞祐中就拜宣撫遼東宰相累書請
澮之鎮澮不應浮海遯去

河之坊

河之坊矣截截其平豈曰不力言持其盈國既覆

詩以時之先後為次

初印本坊下有矣字何校刪

矣視爾夢夢音夢云胡昊天不終惠我生云胡昊天疾
威堂堂輾轉音既日四國卒荒偃仰在位不知匪臧
不顧其行有粟有粟亦集于缶則不敢饘抑餽余
口諄曰指矣音馭秉其咎知我慢慢不知我疾陟彼
南山石其扁矣戒爾勿傷足其趺矣嗒嗒昏昏顏
之覲矣猗余何言涕之泫矣民之種種具曰贅疣
弗於爾躬曷云能瘳勗哉夫子保爾有位慎爾為
猶

感遇

迅景走北陸高木交朔風衆情悅娛冶豈云惠其
終萬事無不有流轉大化中古來論成敗咄咄魚
為龍牛車竄下國勢異情則同浦浦媿本徂擊桓桓
湯武功彼美二三子一笑清醑空

又

兩虎闖中野利乃歸衡虞血肉相蹂躪鼓吹行通
衢獨倚劓膂力箕踞傾百壺未必非禍福凡百持

爾軀吾聞虎畏羆吹竹不枝梧□□□□□□□□

□□又

光風蕩繁囿丹綠綴柔柯游子去萬里空閨歛翠
蛾行雲落江水酒盡不成歌雞飛與狗走妾命獨
奈何

又

槁梧蒙紱冕崢嶸化侯王餐餌先百牢蘭煙浮玉
房兒女何所見拜跪色甚莊四海正聾瞽威靈爾

翁張哀哉杞梓材棄捐官道傍

贈段十

相識風塵下斯文伯仲間騎驢逢聖日捫蝨對秋
山忠信偏成拙支離最得閑秦川貴公子早計適
荆蠻

洛陽程自修忘吾 七首

自修性孝友讀書城東門翰林元裕之上
其言行除禮部郎中自修聞之棄家南去

初印本作失何
按改適

歸龍門

來往空書札行藏但布衣直為知己用可惜轉頭
非歲月百憂集江山一笑歸禰生狂到死君子要
知幾

出城

束帶供人事扶藜強病身誅求非上意盜賊本良
民濕翠山蔽雨輕黃柳帶春小兒隨白首行坐各
霑巾

獨坐

終南在吾目秋色遠接應誰招天外翠來作窗中
靚娟娟初画眉盈盈獨臨鏡雲去物象空月出心
源瑩我欲往從之有客誇捷徑洗耳復洗耳松風
入清聽

痛笑

日射石虬鱗甲開草色又換青春回精靈聚散豈
拘束山鬼叫呼松柏哀當時沸天簫鼓動今日悲

風陵上來匆匆今古誠傳舍人生有情淚如把乾
坤誤落腐儒手但遣空言當汗馬西晉風流絕可
愁悵望千秋共瀟灑

歲云算矣

歲云算矣百工休獨持千古供索遊丈夫礪落如
天日促促胡為升斗謀望塵下拜乃東市山中茹
芝可白頭嗚呼此道棄如土眼中歷歷聖賢蠹鄉
里小兒紇那歌前輩先生八風舞欲挽東流無萬

牛抱膝長吟聽更雨

送元吉歸河東

獨怜風格困塵埃敢料天涯共酒杯花鳥偏於前
輩好江山更有後人哀顏回盜跖終歸命諸葛曹
丕豈論才正自別離愁未透更教柳色帶青來

王猛墓

其謂晉卿耶

男兒有才須有識死塋蠻夷真可惜君不見渴虎
不飲盜泉水始吾虞君今已矣

瑯琊冉琇温季 六首

琇好縱橫談業漁獵世為李氏客難且作

琇累書止之不聽乃南走渡江聞璫滅東

鄉三笑伏劍

蓬萊閣

倚闌吟不就看劍老相催鳥逐孤雲沒帆從別國

回魯連惟有死王粲不勝哀回問依依柳秋聲何

處來 結收轉老字蘊藉

遄臺

游目遄臺上煙色秋曖暝當時駐文輿君臣良宴

會歌鍾正喧喧華纓接飛蓋行樂遽未央已見顏

色改爽鳩焉可知齊景尚何在世運如日月朝夕

還相代

海州

波濤起天末舟楫滿城隅管晏非王佐田韓有霸

圖何門堪跋履吾道欲乘桴倚杖春風近含愁向

初印本作遄何
按改遠

綠蕪

宿京口

推篷在京口山色對秋眠搔首半帆落懷人孤月
懸形骸成獨往風物共流年隨處逃名姓烏啼又
發船

秦吉了

有鳥秦吉了鳴聲一何悲自言承主恩十載供提
携雕籠閉羽翼繫之雙華絲一朝不終惠零落投

荒夷自傷去漢土豈不懷南枝誠堪利主家生死
不敢辭努力萬里風寄此長相思

獨立

獨立春將晚周游道正窮江山千古後形影百年
中士論元無的人生各有終臨危負知己淚落海
雲東

河東元吉文中

五首

吉太原大俠也報讐市上吏來捕更殺吏

走太行谷中會以赦歸乃絕嘗與游者三
年通左氏史記家益貧至元甲子從戍開
平道卒

上黨

怒山出老拳寒色頑巖巖城根插沙水斗絕虎相
視憶昔宣武兵最強合圍步驟如搯吮那知一叱
立破散誰道亞子口尚黃嗚呼皇天肯悔禍豈有
盜賊稱天王要留千古論曲直故壘依稀榆葉赤

自葫蘆河至居庸關

男兒不成名命也負羈絏投袂出門去浩蕩破邊
色飛沙白盪胸落葉黃沒膝微陽割層暝山骨緊
格格抉眼已崢嶸置身何突兀健鷗勢欲落老馬
智亦屈氣岸勇枝梧脉絡大包括物候秋冬交土
風夷夏隔懷婦畏簡書欲往投鬼蜮無言荅酸楚
有血灑寒閭古來喪亂中天地坐跼蹐形骸盡則
已烈士裹馬革

陪翟三游平州東城

老境逢春色平州聚德星不堪歌敕勒并欲案丁
零雪泥殘年白山呈太古青殊方更分手算角若
爲聽

早發博州

落落空城在蕭蕭獨客歸古今殊未了心迹每相
違魏國山河美唐家節度非偷生慙宿鳥霜月上
征衣

夜坐

森森夜氣落寒櫺閑把離騷酒正酣忽憶梅花不
成語夢中風雪在江南

曲阜孟鯁介甫

四首

鯁沈毅雄畧中統癸亥山東兵欲起劫鯁
計事甲者三至鯁不肯遂被害

徐州

徐州壓城霜木赭可能回首風塵下當年縞素從

西來仰天伏地聲鳴啞君臣大義日月白牧野鳴
條此其亞帝王氣象佳葱葱舉止却類田舍翁美
人瓊玉是糞土四海正在水火中如龍如虎尚蹉
跌況乃豎子貪天功

南京

惓惓坊陌傍深春活活河流雨過渾花鳥幾時克
貢賦牛羊今日上丘原猶傳柳七工詞翰不見朱
三有子孫我亦前生梁楚士獨持心事過夷門

猛虎

猛虎被束縛皮肉不相保人生到錯迕天地亦草
草古來割據何代無可憐百萬殉匹夫漁陽突騎
如風火青州城門鐵作樞丈夫好在識時務座上
赤龍公莫舞沙海荒荒魂不歸莫說青州淚如雨

折花怨

匆匆杯酒又天涯晴日墻東叫賣花可惜同生不
同死却隨春色去誰家

廣漢安如山汝止

二首

如山善擊劍左右射讀經史百氏之書端
平甲午安撫曹友聞辟掌書記不起友聞
戰死三泉如山往收其骨藏諸其先之側
乃東下老子會稽

曹將軍

將軍精悍姿齒齒碎鐵石在昔童稚中但聞飽經
術縱橫騁柔翰丹腹間金碧有司塞明詔救邑屈

詞伯芹香春水生冠玉侍重席脫畧章句陋搜抉
窮理窟未及文化成其如玉土窄丈夫報主願豈
必蒙清秩蒼然請去位滿面秋粟烈糾合熊虎群
旌旄揚廣陌正當摩厲間一鼓拔勦敵屯兵沔水
源千里斧截截浩蕩排煙旻西極安嶸岼奈何國
無人腐儒秉旄鉞賞予入私門金湯授盜賊公時
奮臂爭反遭獻玉剛三軍視馬首慟笑下天壁功
成坐齟齬憤怒鬚插戟中宵拔劍起肅肅整勁翮

吐氣風雲生。舉旗陷堅列。貫穿死生地。喋血天地
黑。勢雖衆寡懸。形未雌雄決。路窮斷首尾。衆盡乃
手格。豈知龍虎逝。黯淡山川色。百萬尚震驚。嗚呼
死諸葛。長城但自壞。千古痛稠結。肉食無遠謀。野
史有直筆。酒酣歌節士。晶晶霜日白。

下瞿唐

去去如奔馬。來來無盡船。人心似江水。日夜向吳
天。

成都王翥一飛

五首

翥薦學尚氣。吳曦謀反來。請翥翥陽風。病
瘖潛往安。丙謀誅曦事。定匿巴中為農終
身。

送張判官歸巴州

回首三巴曲。平生萬里橋。衣冠無賴客。花月可憐
宵。

灌口秋漲

所向愁無地窮源欲上天蛟龍胡爾怒鷗鷺更誰
怜萬里朝宗意群鳧跋扈年生涯秋色裏獨立問
漁船

吳宣撫故宅

社稷疲奔命乾坤服至誠扶持三蜀在出入兩朝
榮豚犬有遺恨麒麟空復情家聲隕已盡國法用
猶輕成季翻無後花卿浪得名門庭黃鳥語八杖
綠苔生威福何偏重精神恐不平庶幾蒙世美凡

百慎持盈

憶舍弟

藥物吾仍病花時汝未歸不眠愁月落獨立看雲
飛詩禮自持律飢寒誰解圍遙知理舟楫西望涕
霑衣

浮世

浮世惟高枕平生有敝裘江花中酒日巴雨落帆
秋老矣英雄事愚哉盜賊謀啼猿長自在一笑下

滄洲

襄陽師嚴道立 六首

嚴讀書識大義善樂射自園中拔身走行
在所上書論事不報拂衣去客死武陵

渡江

鹿門山人滄浪客灑淚已枯眼見骨風塵崢嶸萬
里空不知何處營三窟城中性命湯火近路窮援
斷無消息鼠竊狗偷何足憂都将十指漫天日大

遂成豎子之名謂
呂文煥困於劉整
也

言濶步好公卿三百年餘涵養成已聞鄭五但搔
首復道龐涓豎子名平時肉食誇果決誰信臨危
跋扈行白頭面皺牙齒落萬事已矣秋風生

大閱

長江天設險荊州國西門幕前杖斧鉞赫赫齊晉
尊熊羆在掌握百萬不敢喧固列厓嶠立動色虹
蜺翻雖云上將猷亦是明主恩高秋鼓角壯慘澹
傷精魂山南正困危血肉連川原由来多壘辱豈

不在大藩既同事王室於義如弟
鼎鼎哉從簡書
卹鄰古所歆

藺五見訪

漢陰美人青兕裘獨騎瘦馬尋荒丘
花前下馬迎一笑珠玉在側形骸羞
酒酣散髮箕踞坐錦帶爛熳懸吳鉤
斲刺虎好身手碧瞳如水涵清秋
惜哉科目太脫畧壯士豈為章句囚
中原格鬪困不已江波木落寒悠悠

朱禔孫

庚午三月五日朱尚書席上醉歌

天風浩蕩何處來荆南府中好春酒
我公此日盛賓佐但飲無勞問升斗
座中十萬無下箸烏帽朱衣馬牛走
妙舞清歌如有神翠爛金明各回首
人生行樂須壯年小人再拜爲主壽
滿堂淚落起挽鬚臨饋三歎成鬱紆
干戈未定郡國破亂臣賊子何代無
主憂臣辱坐感激忍對花鳥調歡娛
近聞士卒願一戰猛氣正倚風塵麤
丈夫行事動千古

快意一飽非雄圖

武陵客居

浩蕩千年調飢寒八尺身不愁逢魍魎可笑繫麒麟
殘雪江村路空山澗水春時危終遠去道在豈
全貧

公安早發

去國秦公子窮途阮步兵別離如昨日豪俠異平
生江月為誰好巴船何處行高秋伴搖落早發若

繫疑作繫

為情

廣陵張琰汝玉

五首

琰身七尺長鬣倜儻有節槩補州牙兵隨
制置李庭芝潰圍南赴行在所追者及之
麾下鳥獸散琰獨鬪死

出塞曲

腰間插雄劍中夜龍帟吼平明登前途萬里不回
首男兒當野死豈為印如斗忠誠表壯節燦爛千

原作長鬣何持改

古後

又

朝發山陽去，暮宿清水頭。上馬左右射，捷下如猿猴。先發服勇決，手提血鬪髀。兵家互勝負，凡百慎前籌。

又

驅馬飲淮水，千里黃草平。種穀却流血，痛笑秋風生。寡妻出租稅，孤兒荷戈行。武威既不足，願見和

親成

又

軍中日奏凱，鼓行遼海東。當宁怡玉色，千金勞成功。馬知昨日地，袒甲去如空。邊人不敢語，將軍益褒崇。

官柳

不見橋東黃布帘，樹猶如此我何堪。裊裊亭亭忒無賴，又將春色誤江南。

漢陽汪涯萬頃 四首

涯家貧事母孝宣撫賈似道請為客當作
露布獻捷涯瞋目曰咱人以利而退其師
又兒弄主上似道大怒搥殺之其母曰汝
以直死我則不辱可以下報先君矣亦自

沈

江帆

江帆去去可腸斷千古萬古越王臺埽空黃葉晚

風定飛盡碧天晴鳥回半生無成坐筆硯萬事不
理問樽壘年年看梅今白首已矣英雄留七哀

采石獨酌

欲落不落月在手百年幾何持釣綸不知春色萬
象表綠煙漠漠入江濱天翻地覆有今夕酒熟詩
溫無可人向來談笑成黃土墮淚未了雞司晨

江行

江陵白魚如斫玉掛席獨去風日寒封題兩甕寄

何梅原刻作今日

白髮兒涯不是作魚官

又

秋光蕩漾滿行色鄰舟吹笛不堪聞洞庭濯足一樽酒夫君不來空白雲

谷音卷上

辛巳六月十四日移居萬壽山宿雲麓下校果

谷音目錄 卷下

畧本 三首

春日携客遊武夷 閑中

宿天台

皇甫明子 三首

水國

游口

京口行

丁開 四首

可惜

漂泊岳陽遇張中行

因汎舟洞庭晚宿君山聯句

建業

揚州歲暮

鮑輓 七首

襄陽行

天馬

重到錢唐五首

崔璆 三首

携戔鉞汎江

咄咄

今日一何好

魚潛 五首

楊白花

古意二首

送鄭秘書南歸

聞歌

柯芝 三首

餘髮

耳耳

橫江

柯茂謙 二首

江行早發

魯港

邵定 三首

山中

漁家

熊與和 二首

唐元宗鐵像

木平飼龍亭次韻方巨山

晏又 二首

訪吳

夢中

孫璉 二首

述懷

楊應登 一首

水宿

寄趙梅州

楊雯 五首

迢迢空同山

宋武帝廟

北客

宿峽市

早春

曾童子澈 一首

九齡行

番陽布衣 一首

瀟湘漁父 一首

古碑文 一首

閩清野人 一首

羅浮狂客 一首

谷音目錄 卷下

谷音卷下

建安畧本道生 三首

本温言正行丞相江萬里薦為郎先致書

本本方坐門前石上釣使者至問本居本

曰前即持竿渡溪去不知所終

春日携客游武夷

山脚健枝梧百里插蒼峭粼粼石可把曙色坐遠

釣風水真笙竽歷落太古調衣冠帶莽蒼山鬼驚

二妙雲月正忘年花鳥更索笑迴船翠凌亂吾道
付長嘯

閑中

萬事問不知山中一樽酒埽石坐松風綠陰滿巾
袖

宿天台

風泉隔西屋獨夜寒自生開窗失山色白雲壓前
楹累盡得瀟灑去住俱不驚鼻息荅僧鍾霜露入

殘更

四明皇甫明子東生

三首

明子性豪宕乘小舟掛布帆載琴尊書籍
釣具往來江湖至元丙子發狂痛笑蹈海

水國

水國淒涼住秋宵爛熳眠歸雲猶帶雨墮月忽明
船社稷資長算鬚鬚近算年亂離棲不定百口託
浮田

海口

窮島迷孤青颶風盪頑寒不知是海口萬里空波
 瀾蛟龍恃幽沈怒氣雄屈蟠崢嶸挾秋陰挂席潮
 如山熒惑表南紀天去何時還雲旗光慘澹腰下
 青琅玕誰能居甬東一死諒非難嗚呼朝宗意會
 見桑土乾

京口行

京口兵可用酒可飲一語參差旗成血忠賊相持

各凜凜豈知好醜隔形骸又為孔鸞子為鳩人眾
 天定理則那遺臭流芳且高枕

長沙丁開復見 四首

開負氣敢言安撫向士璧被問開獨詣闕
 上疏具陳士璧功大軍府小費不宜推究
 書奏羈管揚州歲餘卒

可惜

日者今何及天乎有不平功高人共嫉事定我當

烹父老俱嗚咽天王本聖明不愁罹黨禍携淚向孤城

漂泊岳陽遇張中行因汎舟洞庭晚宿君山

聯句

元氣無根株開地脉有斷絕中日月互吞吐開雲

霧自生滅中楚妃結幽想開巴客荅清映中寧知

莽蒼中不假巨鼇力勢閎南紀浮開思隨西風發

形影寄孤舟中吾道成馱舌笑談正凌傲開俯仰

不偏側每與景物會中未省歡娛畢疊翠晚悵悵

開墮黃秋的的魚龍負顛顛中獨鳥去不息曠原

眇周抱開異境超恍惚徑度萬頃空中忽得一拳

碧稍稍雞犬近開依依鍾梵夕推門月微墮中煮

茗香初歇衣裳識霜信開瓶鉢了禪悅事定心源

清中夢回斗柄直周游興欲盡開長往計未決出

門更回首中沙水盪虛白美哉神禹功開已矣三

苗國山川長不朽中愚智俱可惜神友正冥冥開

拍點空厯厯慎勿語俗人

行中桃源恐相失

開

建業

誰遣淒涼滿眼中。蘋花渺渺又秋風。龍蹲虎踞江山大。馬去牛來社稷空。縱有千人惟諾諾。本無百歲更匆匆。乾坤顛倒孤舟在。聊復殘生伴釣翁。

揚州歲暮

萬國春回日。層城晚眺餘。江聲隔吳楚。原色到邳徐。大閱軍容壯。狂歌客禮踈。百年寒荻裏。風雨憶

吾廬

括蒼鮑輓以行

四首

輓嗜酒授簡萬言。教授得錢悉送酒家。遇客盡飲乃去。晚益傲誕。衲衣髻結。游青城不返。

襄陽行

今日何日春氣柔。東城騎馬花綢繆。爲君停馬一呼酒。花前倒披紫綺裘。玉脂汎濫魚鳥飫。歌舞倦

卷之五
五
矣蛾眉愁千金萬壽好賓主今我不樂歲如流豈
比世上狂馳子一語不合行掉頭嗚呼天倫古所
定非有大故寧相尤

天馬

天馬抱奇相緊骨瞳方明出入百萬中有如一鳥
輕宇宙莽超踏風雲寒慘經營獨倚雄傑態蕭蕭隨
北征朝飲南海頭夕秣乃幽并失主坐黯淡別群
奮長鳴豈無輕俠兒金羈懸朱纓但感東帛義不

忍負死生低頭爲君老喑喑萬里情

重到錢塘

生死雙飛正可憐若爲白髮上征船未應分手江
南去更有春光七十年

又

無賴山光疊疊青玉魚金盃早飄零冷思禹穴真
奇事千古衣冠託杳冥

又

萬家歌舞送浮生曾有涓埃荅太平猿鶴沙蟲天
始定不須辛苦怨南征

又

聞道深春雪打圍誰怜身上藕絲衣莫憂白壁成
塵土解逐南風萬里歸

又

惟有寒潮不世情朝朝算算過空城百年車馬閭
門外獨獨春風草又生

京口崔瑗子玉

三首

瑗美風儀善談論晚病狂携大瓢貯酒行
市拍掌歌笑未死十日自表石題曰醉鄉

伯崔瑗之墓

携斃鉞汎江

酒星落京口化為崔子玉孤舟載壺觴水花紅暎
肉小兒唱銅斗大兒倒醺醪一笑不知年浩蕩天
地屋慎勿臨竇呼人生隨轉燭嗣宗禮法仇鍾會

矣蛾眉愁千金萬壽好賓主今我不樂歲如流豈
比世上狂馳子一語不合行掉頭嗚呼天倫古所
定非有大故寧相尤

天馬

天馬抱奇相緊骨瞳方明出入百萬中有如一鳥
輕宇宙莽超踏風雲寒慘經營獨倚雄傑態蕭蕭隨
北征朝飲南海頭夕秣乃幽并失主坐黯淡別群
奮長鳴豈無輕俠兒金羈懸朱纓但感東帛義不

忍負死生低頭爲君老喑喑萬里情

重到錢塘

生死雙飛正可憐若爲白髮上征船未應分手江
南去更有春光七十年

又

無賴山光疊疊青玉魚金盃早飄零冷思禹穴真
奇事千古衣冠託杳冥

又

萬家歌舞送浮生曾有涓埃答太平猿鶴沙蟲天
始定不須辛苦怨南征

又

聞道深春雪打圍誰怜身上藕絲衣莫憂白壁成
塵土解逐南風萬里歸

又

惟有寒潮不世情朝朝暮暮過空城百年車馬閭
門外獨獨春風草又生

京口崔瑗子玉

三首

瑗美風儀善談論晚病狂携大瓢貯酒行
市拍掌歌笑未死十日自表石題曰醉鄉
伯崔瑗之墓

携殘鉞汎江

酒星落京口化為崔子玉孤舟載壺觴水花紅暎
肉小兒唱銅斗大兒倒醺醪一笑不知年浩蕩天
地屋慎勿臨竇呼人生隨轉燭嗣宗禮法仇鍾會

被殺戮

咄咄

咄咄復咄咄小兒成老翁
么微各形色追琢元化
工不知春風去又見千
綠叢主人美客懷載酒
行溪東一步一回首十
步尊已空靈均與太白
醒醉同所終願見化蠖
蠓生死託壺中

今日一何好

今日一何好花下醉狼
籍醉中有奇事夢見生
八

翼浩蕩排虛空靈君好
顏色朱衣持大篆授我
醉鄉伯頓首玉墀下臣
璆才蟻蝨封此抑何功
請陳愚頑臆臣家京口
東門前大江碧臣願駕
長風吹作酒萬石萬象
各千鐘拍拍大庭國推
枕在山中紙衾霜曉月

姑熟魚潛德昭

五首

潛敦重和易推分澹泊
不忤於物所居環堵埽
地焚香彈琴讀書養鶩
鴨百頭以給

食終八十餘

楊白花

楊白花誰教度簾幙
搖蕩春風能幾何不
比無情自漂泊人生
祇合作支離長秋鷓
啼江水落

古意

青青陵上柏落落勁
不摧人生百年內朝
夕變所懷斗酒命同
好萬里不頷頷回聞有昌國君談笑黃金臺
柔言更長跪信是富
貴媒但恐氣習移古
今

不同才寄言去國者
歲晚有餘哀

又

權衡豈公平天駟但
伏櫪東井不抹渴倉
庫何時實元工官假
借名器甚可惜如何
萬萬古不行替

責術以名用人而不責其實正宋之所止也

送鄭秘書南歸

垂老乃如此憑高俱
惆然空能正幾字好
去作千年童子歌鷓
鶴幽人拜杜鵑江花
獨爛熳春去得

初印本作湯何按
改渴

誰於

聞歌

流雲行水出名姝酒盡花前雙玉壺此曲江南都
忘却春風轉調小單于

瑞陽柯芝士先

芝早通五經善詞賦又詣行在所見章秘
書求讀書省中益通諸家教授生徒著書
百餘卷子茂謙

餘髮

餘髮蕭蕭白垂頰十年一拙門庭冷來頻沙鳥頗
相識起晚鄰雞已三請形骸拄樹豈復好心緒如
蓬不能整平生幾緡空馭駮老去一盃先醕酌俗
言祇虞方鑿迂人事但愜幽居屏聖賢未必盡芻
狗天地何堪共鼯鼯若爲苴履曾足芥幸不柳衫
真欲瘦一聲樵響何處來獨立看雲發深省

耳耳

耳耳非佳語陸陸難為顏我生胡不淑多戚長鮮
歡搖落復已綠春風滿江干竅靈起予興欲言骨
肉酸園桑摧為薪桃李亦半殘翹堯企晴燠九室
十更寒飛錢如美色乃入貴者闡丘間有穀賣窮
櫛朝無鱣不售信感隱徒手良抱歎宛轉愒餘息
溝壑分寸間吾輩正不免遑暇卹彼瘵

橫江

橫江一片碧携鶴上漁船收綸不成下却抱釣竿

眠

柯茂謙退子

江行早發

陶鑪煑孤影寒燈沸青花冰開數江樹月落失人
家

魯港

十年回首付霑襟斷甲沈沙齒齒深可惜使船如
使馬不聞聲鼓但聲金人歌鬼笑都堪淚木落江

空正獨吟遺老蕭條漸無語酒旗颭颭出蘆林

廬陵邵定中立 二首

定温粹博雅通周易春秋宅邊植梅竹蘭
桂蓮菊各十餘本深衣大帶婆娑其間自
稱六鄰老人

山中

白日看雲坐。清秋對雨眠。眉頭無一事。筆下有千
年。

漁家

漁家臨水住。春盡無花開。年年謝流水。流得好花
來。

豫章熊與蘇天樂

與蘇性介澹無妻。不食肉。通經史。百氏之
書。布衣草履。遨遊諸名山。尤嗜彈琴草書。

唐元宗鐵像

魏冠攢疊碧雲花。坐閱山中幾歲華。莫把金丹輕

點化正愁生死困安家

木平飼龍亭次韻方巨山

耳見何如得眼聞山根磅礴極初分浮漚起滅自
潭影大地晴陰空嶺雲何處老人來聽講他年少
府有移文由來清調須吾輩幸不山王愧五君

宜春晏又明祭 二首

又風度秀整主趙崇瀕後瀕逮繫又自請
詣獄俱以庾死

訪吳

平生一語不宵吐浩然披髮行西林美人十日跨
驢出黃葉堆門雲雪深

夢中

春樹年年少寒雲浦浦連片帆高浪起斗酒夕陽
偏沙市懷司馬州城笑老邊太平冠蓋盡爾敢望
諸賢

大庾孫璉器之 二首

連家貧益嗜書。不應選舉躬耕織。屨以食終百歲。

述懷

少也不諧俗。老去益美閑。百草生已綠。春雨滿南山。朝朝荷鋤去。既夕驅牛還。生長茆簷下。貧賤甚獨安。但願桑麻長。優游足歲年。

又

坐倦秋樹根。攝衣步前丘。橫河澹如練。破月西南

流。獨持一尊酒。悠然發清謳。俯仰無不足。吾生焉所求。

臨江楊應登幼平 二首

應登寬厚長者。有德行言辭。七試國子。不第。退就耕牧。老于南塘。孫雲。

水宿

水宿逢今雨。春歸反故園。聖朝臣已老。往事客何言。乞米分隣里。看書到子孫。蒼茫不可會。一笑了。

清樽

寄趙梅州

江城鴈叫天如水寒色蒼蒼草木死哀歌未斷月
 東出有才無命可流涕今我不樂思梅州東帶深
 衣百僚底天下規矩見卓絕龍章麟角諸公子白
 頭時節得蠻府歸來閉門呼不起惆悵平生狗馬
 病風后力牧長已矣為公問酒日日酤薰天富貴
 憂患始

楊震天章

五首

迢迢空同山

迢迢空同山乃在西極巔玉泉蔭靈芝上有千歲
 仙安得凌風翼相從白雲間神仙本冥漠天運仍
 推遷不如酌我酒或得成自然田父要我語飲者
 亦非賢願君長獨醒加餐足高年

宋武帝廟

溪聲荅松風巨石出老拳古樹不知名岌岌蛟龍

纏夕陰互出沒秋華帶芳鮮
葱葱帝王氣棟宇垂
千年虎賁秉霜戟慘澹生雲煙
宮人翠龍駕手持
玉連螭昌明坐恍惚精神雷在天
大呼司維間旬
月無秦燕昔爲萬夫特今受衆目
怜石馬亦埋沒
歲時草芊芊小臣異代士見之淚
迸泉齊人思爽
鳩蜀人哀杜鵑江東舊正朔禮奉敢不虔
但願君王心不忘載荻船下山又再拜
白日當空懸

客

北客相催發一日舉千帆
遙怜庾開府歲晚望江南

宿峽市

人烟正搖落樓笛頗清圓
老樹依山驛東風上峽
船江湖萬里外燈火十年前
世路能令老吾生且
醉眠

早春

不知何處碧雲鄉
冉冉平生可斷腸
惟底乾坤惟

理在老來歲月更心長。城頭急鼓千家夢。江上殘梅一水香。自作醉侯開醉國。笑人奔走為誰狂。

盱江曾童子澈 一首

鮑輓過盱江。遇一童子。眉目疎朗。語必援古今驚問。逆旅主人子也。明年載訪之。死矣。得其詩一首于其同舍生。

九齡行

我生九齡氣食牛。喑鳴頓挫無匹儔。白雲無根起

天末。一身萬事同悠悠。低頭拱手事先覺。談笑未了成仇讐。一譽不足勝百毀。言語起滅如浮漚。聖賢可與知者道。麟鳳豈在山中遊。蘧然夢覺大槐國。江花昨夜生涼秋。

無名氏

番陽布衣 一首

有書中山驛云。回首萬里歲晚何言云云。

番陽布衣題

回頭四十五年非。無賴秋光滿客衣。可惜吳中蓴菜好。陸機張翰不同歸。

瀟湘漁父

崔粲晚泊湘江。淡煙微月。有客歌而過之。追問居與名。置其釣竿。長嘯而去。

高枕形骸外。空江何限情。落葉不成調。半夜起秋聲。

古碑文

揭大中云。或漁于潭。得片石。字十數行。率磨沒。僅識得二十八字。意幽人憤世之作。不合於時。故沈之以俟知者。

乾淳老人氣岳岳。破冠穿履行帶索。撐腸拄肚書萬卷。臨風欲言牙齒落。

閩清野人

僧惠了行閩清谷中三日。到一空舍。稍憇。有一人荷鋤來。便向壁熟睡。僧既尋路還。

他日再往已焚其舍惟斫樹白而書云
偶與雲水會不與雲水同雲散水流去杳然天地
空

羅浮狂客

趙孟柔云柔錄事惠州聞羅浮道士言咸
淳中客有戴烏帽着靴往來山中見人輒
大笑反走三年不言姓名他日醉歸忽取

煤書壁上

云

云

長揖渡海去

雲意不知滄海春光欲上翠微人間欲墮千劫猶
探梅花未歸

辛巳六月望假林微師舊藏本臨校畢

谷音卷下

藏園老人記

康熙壬辰十月得葉文莊公所藏抄本手校一遍所錄諸人
之詩適當天下大亂不暇多讀書故氣調或失之淺促
然似小傳尋之無不与其人相應者庶幾為得言志之
本云

義門何焯記

右詩一卷凡二十三人無名者四人共一百首
乃宋亡元初節士悲憤幽人清詠之辭

京兆先生早游江湖得于見聞悉能成誦因錄
爲一編題曰谷音若曰山谷之音野史之類也
刊于平川懷友軒以傳于世今歷兵燹板已不
存余幸藏此本風晨月夕寂寥之中每一歌之
則想像其人而愧不能彷彿其萬一也未嘗不
慨然久之今年先生之孫德基來從余暇時輒

出此編俾錄而歸之曰是爾祖手訂之文且諸
人小錄皆其自述言簡而備是亦家傳之舊子
能誦而思之亦繼紹之一端未可以爲小書而
忽之也因嘗論之時危世變臨難不避與夫長
往自潔者不爲不少惜不盡傳于世也如此編
數人苟非先生記其詩而傳之則泯沒無聞矣
然則誦其詩者非獨取其雄渾冲澹而其心術
之正出處之大可槩見矣德基其廣傳之母爲

篋笥故紙云戊午重九日蜀郡張桀書

此詩余得之建安楊中舍仕做觀張桀跋謂為

京兆先生者杜微君本字伯原其行具見元史

隱逸傳中丙午都睦記

[Faint bleed-through text from the reverse side of the page]

朱初閱杜伯原懷友軒記喜其孤往風標備

秋雲上急覓東傳讀之累激不赴隱廬于武

夷九曲間殆古之栖逸者流而以翰墨自放

考功正謂其四種表系法書湮沒罕見扼腕

久之月在悅吳門未携得為音二卷乃伯原

所集宋末逸民詩也凡二十者九人多者小

其中有金人与蒙
古未下江南時人

傳紀其大略共詩百篇法體具備韓昌黎云
 其教也者思其哭也者懷凡出字口而為聲
 者其皆曰弗字者字宋室既傾待品都靡獨
 數子者心懸美里之外如霄之上或士或
 浮海或伏劍沉淵也然慷慨令人讀其詩想
 其人乃齊之魯魯多生之思焉不如此遠唐
 林之節非不若韋莊和凝之詩亦不類一失
 身于新莽仍蜀之朝也未免為後世嗤笑資

和凝未嘗事蜀

可伯原形編之者不以其字後者不忍鳴也
 初借他人章句竊比詩者不亡甲子乙選也
 歎謂者毛晉也

宗魯民如吾其翁所采則可新鄉風之唐至
 清孫林景熙法賜汪大有註聖子開張毅
 父吳子善思者梁隆吉棟鄭江南法君子俱
 象侯若介士也惜其詩不傳姑俟博後在
 毛晉又後